

# Հովտուն

Վարչական դեկավար՝ Առաքելյան Արարատ

Հեռ + 374 077-44-29-13

**Մակերես՝ 12.4կմ<sup>2</sup>**

**Բնակչություն՝ 185**

[hovtun.shirak@mta.gov.am](mailto:hovtun.shirak@mta.gov.am)

Գյուղ Ամասիայի տարածաշրջանում, Ամասիա գյուղից 3կմ հյուսիս-արևելք, մարզկենտրոնից գտնվում է 36կմ հեռավորության վրա: Նախկինում ունեցել է Ալաքիլիսա, Ալաքիլիսե, Բայթար անվանումները: Հովտուն է վերանվանվել 1991 թ-ին: Նախկինում մտել է Երևանի նահանգի Ալեքսանդրապոլի գավառի մեջ:

Գյուղը տեղադրված է Ախուրյան գետի ձախափնյա հովտում, Եղնախաղի լեռնազանգվածի արևելյան ստորոտում՝ ծովի մակարդակից 2000մ բարձրության վրա: Կիման ցուրտ լեռնային է, ձմեռը սևական, ցուրտ, հաստատուն ձնածածկույթով: Լինում են ուժեղ քամիներ, հաճախակի են ձնաբքերը և սառնամանիքները: Ամառը տաք է, համեմատաբար խոնավ: Տարեկան տեղումների քանակը 500-600մմ: Բնական լանդշաֆտները սևահողային լեռնատափաստաններ են: Ունի սառնորակ աղբյուրներ, որոնք օգտագործվում են որպես խմելու ջուր:

Գյուղում եղել են մասնակի ավերվածություններ 1988 թ-ի դեկտեմբերի 7-ի երկրաշարժից: Բնակչության նախնիների մի մասը եկել է Կարսի մարզից 1918-20թթ.: Որոշ աղբյուրներում Հովտունը հիշատակվում է որպես հնաբնակ գյուղ: 19-րդ դարի սկզբին այստեղ բնակվել են նաև աղբյուրներ: 1831 թ-ին գյուղն ունեցել է 27 աղբյուրների բնակիչ, իսկ 1897թ.-ին՝ 220, 1926 թ-ին՝ 352, 1939 թ-ին՝ 477, 1959 թ-ին՝ 236, 1970 թ-ին՝ 207, 1979 թ-ին՝ 253 հայ բնակիչ: Ըստ ազգային վիճակագրական ծառայության տվյալների համայնքը 2013 թ-ի հունվարի 1-ի դրությամբ ունեցել է 185 մարդ: Սեռային կազմում տղամարդիկ կազմում են 47%, կանայք՝ 53%: Տարիքային խմբերը բաշխված են հետևյալ կերպ. մինչաշխատունակներ՝ 27%, աշխատունակներ՝ 52%, հետաշխատունակներ՝ 21%: Ունի 41 տնտեսություն: Ունի դպրոց, կապի հանգույց:

Գյուղատնտեսական հողահանդակները գրեթե ամբողջությամբ օգտագործվում են որպես վարելահողեր՝ կազմելով 264հա: Պետական հողերը գլխավորապես օգտագործվում են որպես վարելահողեր, արոտավայրեր, կազմելով համապատասխանաբար 109 և 633 հեկտար:

Գյուղատնտեսության մասնագիտացման ուղղությունը երկրագործությունն է: Զբաղվում են դաշտավարությամբ, հացահատիկային, կերային կուլտուրաների մշակությամբ: Զբաղվում են խոշոր եղջերավոր անասնաբուծությամբ, թռչնաբուծությամբ:

Համայնքի հիմնախնդիրների մեջ կարևորվում են դպրոցական գույքի նորացումը, խմելու ջրագծերի վերանորոգումը, գյուղամիջյան ճանապարհների վերանորոգումը, գյուղատնտեսական մթերքի իրացումը, գազաֆիկացումը:

ՀՀ Շիրակի մարզ, գ. Հովտուն  
Բնդեքս՝ 2701